

THIS IS THE  
GOSPEL

03

# NDJEKJA

Të zbuloni jetën tuaj në Krishtin

THIS IS THE  
GOSPEL

**01: Thirrja**

**02: Marrëdhënia**

**03: Ndjekja**

**04: Udhëtimi**

## **Rreth këtij libri:**

*Ndjekja tregon se si tre marrëdhëniet kryesore të jetës së Krishtit ndikojnë në rritjen tuaj si dishepuj. Jezusi jetoi në marrëdhënie të drejtë me Perëndinë, me Kishën dhe me botën. Të treja këto marrëdhënie qëndruan në nivelin e duhur. Gjatë katër javëve të ardhshme, do të shihni se si krishterimi vepron në secilën nga këto tre marrëdhënie.*

*Ju do të mësoni të ndiqni Krishtin ndërsa ndjeni një dashuri të thellë për Atin. Kjo dashuri do t'ju mbajë të përqendruar në marrëdhënien tuaj me Perëndinë. Ndërsa ndiqni Krishtin, Ai do të theksojë rëndësinë e unitetit me besimtarët e tjerë. Ju do të shihni mënyrat se si Krishti i udhëheq dishepujt e Tij që të çënë në marrëdhënie të drejtë me Kishën. Së fundmi, ndjekja e Krishtit do t'ju sfidojë t'i shërbeni botës dhe t'i besoni Ungjillit. Të dyja sfidat ju inkurajojnë të drejtoni botën në mënyra që e nderojnë Perëndinë. Me kalimin e kohës do ta shihni këtë botë me syrin e marrëdhënies.*

*Ndjekja është ndarë në katër javë, me gjashtë devocione për secilën javë. Nëse negleni prapa në një ditë, nuk ka problem. Ditët që janë pushim do t'ju lënë kohë që të arrini aty ku duhet. Nëse ju duhet të merrni më shumë se tridhjetë ditë për të përfunduar udhëzuesin, përsëri nuk ka problem! Ky është një udhëzues për t'iu ndihmuar, jo një ligj për t'u zbatuar. Shijojeni këtë kohë me Perëndinë. Përqendrohuni tek Ai. Mbani disa shënime dhe shikoni mënyrën se si Ai e kalon përkushtimin personal tek mritja e marrëdhënies.*

*Zoti ju bekoftë ndërsa e ndiqni Atë!*



## Përmbajtja

### Java 1: Duaje Zotin

Dita 1: Nëse mund të bëni vetëm një gjë. . . . .	6
Dita 2: Mbajeni dashurinë të thjeshtë . . . . .	8
Dita 3: Ai është duke pritur për ju . . . . .	10
Dita 4: A mund ta duam Perëndinë? . . . . .	12
Dita 5: Nëse vërtet do të më doje. . . . .	14
Dita 6: Pse nuk mund ta adhuroj Zotin në shtëpi?. . . . .	17

### Java 2: Bashkohuni me Besimtarët

Dita 1: Një vend për inkurajim . . . . .	22
Dita 2: Elementi njerëzor . . . . .	25
Dita 3: Një sfidë për jetën egoiste. . . . .	28
Dita 4: Mësimet nga dhoma e palestrës . . . . .	31
Dita 5: Uniteti është një zgjedhje e stilit të jetesës. . . . .	34
Dita 6: T'i shërbejmë njëri-tjetrit . . . . .	37

### Java 3: Shërbejini botës

Dita 1: Që ata të shohin veprat tuaja të mira . . . . .	42
Dita 2: Kur një plan merr kuptim . . . . .	45
Dita 3: Të bëhemi si ata që ndjekim . . . . .	48
Dita 4: Të vihen kundër krenarisë . . . . .	51
Dita 5: Nuk jam ndjerë kurrë më i përmbushur . . . . .	54
Dita 6: Të ndërtosh një program për të ndarë fjalën. . . . .	57

### Java 4: Besojini Ungjillit

Dita 1: Çfarë do të thotë të besosh çdogjë? . . . . .	62
Dita 2: T'i besosh Ungjillit . . . . .	65
Dita 3: Rënjët e marrëdhënies . . . . .	68
Dita 4: Një mënyrë e thjeshtë për të ndarë Ungjillin . . . . .	71
Dita 5: Përparimi më i madh i Ungjillit . . . . .	74
Dita 6: Çfarë do të bëni në vijim të jetës? . . . . .	77





## DITA 1

### Nëse mund të bëni vetëm një gjë

Pushimet vinin për dy javë dhe Stivi po bënte planet përfundimtare. Duke dashur të marrë dhe djalin e tij gjashtëvjeçar me vete, Stivi e pyeti: “A ka ndonjë gjë që dëshiron të bësh kur të shkojmë në plazh?” Brenda pak sekondash, djali renditi aq shumë ide sa që ishin pothuajse të përealizueshme. Duke ditur buxhetin, Stivi riformuloi pyetjen e tij, “Nëse do të mund të bëje vetëm një gjë në plazh, cila do të ishte ajo?” Pasori disa minuta për tu menduar, djali buzëqeshi dhe tha: “Nuk ka rëndësi se çfarë bëjmë për sa kohë që e bëjmë së bashku.”

Udhëtimi i një të krishteri duhet t’i ngjajë kësaj historie. Në këndvështrimin e parë, ka shumë gjëra të mira për të bërë dhe shumë gjëra për të zbuluar si të Krishterë. Ne mund të lutemi, të studiojmë Shkrimet e Shenjta, të shkojmë në një kishë, të bëjmë kauza të mira, t’u shërbejmë të tjerëve, të ndajmë besimin tonë dhe akoma më shumë si të krishterë nuk u mungojnë aktivitetet e mira. Por në zemër të Krishterimit është thirrja për të qene me Krishtin.

Kur Jezusi i thirri fillimisht dishepujt, Marku shënoi: “Dhe Ai caktoi dymbëdhjetë, që të rrinin me Të dhe për t’i dërguar në predikim” (Marku 3:14). Ata u thirrën të ishin me Të dhe më

pas Krishti do t’i dërgonte të predikonin. Kështu edhe ne si të Krishterë. Nëse mund të bëni vetëm një gjë në jetën tuaj si të Krishterë, ndaloni dhe njihni më shumë Krishtin.

Ndërsa mendoni për dashurinë tuaj ndaj Perëndisë, mbani mend që është më e rëndësishme se keni jetë, sesa ku shkoni, çfarë bëni apo si e bëni atë.

**Rendisini disa mënyra se si mund të jeni me Jezusin çdo ditë.**

---

---

---

---

**Cilat janë disa nga pengesat që ju ndalojnë të jeni me Krishtin çdo ditë?**

---

---

---

---

**Sugjerim për lutje:** Zoti Jezus, dua të të njoh. E kuptoj që prioriteti im në jetë është të jem me ty. Ti më ke treguar plot mënyra për të përbushur këtë dëshirë dhe pse shumë pengesa qëndrojnë në rrugë. Më jep kurajo të ndryshoj atë që duhet ndryshuar në mënyrë që të jem me Ty çdo ditë. Në emër të Jezusit lutem, amen!

**Fragmente për Studim Shtesë:** Gjoni 15:1–5; 17:3, Luka 10: 38–42, Ligji i Përtërirë 6:4–5, Psalmi 1; 27:4–6

**Shënime:**



## DITA 2

### Mbajeni dashurinë të thjeshtë

Kohët e fundit kam dëgjuar për një djalë që i propozoi të dashurës së tij duke i shkruar në qiell “Martohu me mua”. Fatkeqësisht, piloti bëri një gabim dhe shkroi, “Martohu me Ne”. Nuk doli aq romantike sa djali kishte shpresuar, por ajo e kuptoi qëllimin!

A e ndjen ndonjëherë nevojën për t’ia vërtetuar dashurinë Perëndisë në një mënyrë të madhe? Të duash Perëndinë nuk ka të bëjë me gjërat e mëdha që ne bëjmë ose me madhësinë e dhuratave që japim. Të duash Perëndinë do të thotë të jesh me Të dhe t’u bindesh urdhërimeve të Tij.

Jezusi u tha dishepujve të Tij: “Nëse ndokush më do, do ta mbajë fjalën time; dhe Ati im do ta dojë dhe ne do të vijmë tek ai dhe do ta bëjmë banesën tek ai” (Gjoni 14:23).

Sipas Jezusit, dashuria jonë për Perëndinë karakterizohet nga bindja e thjeshtë e cila rrjedh nga marrëdhënia që kemi me Të. Përgjigja e parë e shumë të krishterëve është: “Unë do t’i bindem Perëndisë për të provuar se e dua Atë.” Ky premtim bazohet në vetëbesimin e gjithsecilit. Jezusi po thotë: “Më dëgju dhe do të bindesh.”

Ne nuk bindemi që të duam Jezusin; ne e duam Jezusin dhe rezultati është bindja.

#### Lexoni 1 Gjoni 4:19. Cila është baza e dashurisë sonë për Perëndinë?

---

---

---

---

1 Gjoni 4:19 na ndihmon të kuptojmë se nuk jemi ne që e nisim dashurinë – ne thjesht po i përgjigjemi dashurisë së Tij. Zoti ju do!

Ndërsa Perëndia fton gjithsecilin prej nesh në një marrëdhënie më të thellë me Të, Ai na ka krijuar që ta ndjekim Atë në mënyra unike. Uluni në heshtje dhe pyeteni: “Zot si dëshiron që unë të të ndjek sot?” Mbaj mend atë që Perëndia thotë dhe vendose në zbatim!

**Sugjerim për lutje:** Zoti Jezus, dua të të njoh. Largo nga mua çdogjë e cila më pengon të të dua. Unë lutem që me anë të hirit tënd të gjej guximin për të bërë atë që më kërkohet. Në emër të Jezusit lutem, amen!

**Fragmente për Studim Shtesë:** Luka 10:38–42, Marku 12:41–44, 1 Gjoni 2:3–6

#### Shënime:



## DITA 3

# Ai është duke pritur për ju

*“Të nesërmen në mëngjes, kur ende ishte shumë errësirë, Jezusi u ngrit, doli dhe shkoi në një vend të vetmuar dhe atje u lut.” – Marku 1:35*

Ekziston një pikturë jo shumë e famshme e Jezusit, që ndodhet i ulur vetëm, në një tryezë të vjetër në një dhomë të thjeshtë. Tavalina ka dy karrige, dhe Jezusi ka zënë njërin. Në krye të tryezës është një llambë vaji, një Bibël e hapur dhe një libër shënimesh. Në sfond, ka një dritare të vogël të hapur me një pamje të diellit që ngrihet mbi një kodër. Fotografia duket e qetë dhe paqësore, dhe më pas ju lexoni fjalët nën pikturë: “Ai po ju pret.”

Kur pashë për herë të parë pikturën, ajo pati një ndikim të thellë në marrëdhënien time me Perëndinë. Gjithçka që mund të mendoja, ishte se sa herë e kisha lënë Jezusin të ulur vetëm në tryezë. Justifikimet e mia ishin të pafundme. Isha shumë i zënë, shumë i lodhur, shumë i preokupuar me jetën! Por sado justifikime të jepja, piktura i heshti të gjitha. Më mbeti në kokë ky imazh i Krishtit, i ulur me durim dhe në heshtje, duke pritur që unë të kaloja kohë me Të.

Të kalosh kohë me Perëndinë e ndonjëherë mund të duket e “frikshme.” Çfarë të bëj? Ku të filloj? Çfarë të them? Po sikur të humbas një ditë? Çelësi për të kaluar kohë me Perëndinë është

të kesh marrëdhënie me Të. Ju jeni aty për të njohur Atë. Qëllimi kryesor në jetë është njohja e Zotit; qëllimi i përditshëm në jetë është të kalosh kohë me Zotin.

Bazuar në kontekst e Jezusit tek Marku 1:35, mund të shohim se për Krishtin ishte një prioritet që të kalonte kohë vetëm me Perëndinë. Sfida jonë është të ndjekim gjurmët e Tij.

**Si ju sfidon Marku 1:35 që të keni qëndrueshmëri më të madhe në kohën tuaj me Perëndinë?**

---

---

---

---

**Ky fragment flet për takimin e Jezusit me Atin në një kohë të caktuar, në një vend të caktuar dhe për një arsye të caktuar. A keni ju një plan specifik për takimin me Perëndinë? Nëse jo, kaloni pak kohë duke menduar një plan specifik për jetën tuaj.**

---

---

---

---

**Sugjerim për lutje:** Zoti Jezus, dua të të njoh. E di që e vetmja mënyrë për të të njohur është të kaloj kohë me ty. Lutem që gjatë kohës që kalojmë bashkë, ta mbaj marrëdhënien tonë në fokus. Në emër të Jezusit lutem, amen!

**Fragmente për Studim Shtesë:** Vajtimet 3:21–25, Psalmi 33:18–22; 46:1–11, 2 Kronikave 16:9, Hebrenjve 10:19–22, Zbulesa 3:20

**Shënime:**



## DITA 4

### A mund ta duam Perëndinë?

Çfarë duhet për të rënë në dashuri me dikë? Me shumë mundësi, të gjithë do t'i përgjigjen kësaj pyetjeje në mënyra të ndryshme! Ndoshta një pyetje më e mirë do të ishte: "A janë disa cilësi karakteri më të dashura se të tjerat?" Kjo është çështja e vërtetë! Dyshoj se dikush do ta përshkruante dikë të drejtë si një person arrogant, demoralizues, pa integritet dhe përgjithësisht pesimist. Në fund të ditës, ne tërhiqemi nga cilësitë që i admirojmë ose dëshirojmë.

Thënë këtë, a mund ta duam Perëndinë? Nëse qëllimi i jetës është të ndjekim një marrëdhënie "dashurie" me Jezu Krishtin, kjo presupozon që Perëndia është i dashur. Por, cilat janë cilësitë e karakterit që e bëjnë Zotin të dashur?

Për një përshkrim të shpejtë të karakterit të Perëndisë, merni një moment dhe lexoni Psalmin 103. Në njëzet e dy vargje, ne zbulojmë se Zoti është ...

**Falës** (vv. 3, 9, 12)  
**I mëshirshëm** (v. 10)  
**I drejtë** (vv. 6, 17)  
**Redemptive** (v. 4)  
**I përjetshëm** (v. 17)  
**I hirshëm** (v. 8)

**Jep kënaqësi** (v. 5)  
**Shërues** (v. 3)  
**I vëmendshëm** (v. 14)  
**Zbulues** (v. 7)  
**I dashur** (vv. 4, 8, 11, 17)  
**Sovran** (v. 19)

**I mëshirshëm** (vv. 4, 8, 13)  
**I denjë për lavdërim** (vv. 20-22)

**I ngadalët në zemërim** (v. 8)

Dashuria jonë për Perëndinë nuk do të rritet kurrë përtej njohurive tona për Perëndinë. Prandaj, ne duhet të përqijemi të studiojmë në një mënyrë që njohuria jonë për Perëndinë të mbetet e rrënjësuar fort në karakterin e Tij.

**Merni një moment dhe rendisni cilësi të tjera të karakterit të Perëndisë që ju duken të admirueshme ose të dëshirueshme.**

---

---

---

---

**Këshillë për devocion:** Ndërsa lexoni fjalën e Perëndisë nga dita në ditë, kërkoni që Ai t'ju zbulojë karakterin e Tij nëpërmjet Shkrimit. Sa më shumë e dimë karakterin e Perëndisë, aq më e natyrshme është ta duam Atë.

**Sugjerim për lutje:** Zoti Jezus, dua të të njoh. A do të më ndihmosh të shoh karakterin tënd të zbuluar në jetën time sot, në mënyrë që të mund të të njoh më shumë? Në emër të Jezusit lutem, amen!

**Fragmente për Studim Shtesë:** Eksodi 15:1-18, Ligji i Përtërirë 7:7-9, Psalmi 113; 145

**Shënime:**



## DITA 5

### Nëse vërtet do të më doje

A jeni fajësuar ndonjëherë për diçka që keni thënë gabimisht: “Nëse vërtet do të më doje, a do të \_\_\_\_\_”? Ndoshta disa shembuj do t’ju vijnë direkt në mendje! “Nëse do të më doje vërtet, a do të hidheshe mbeturinat. Nëse do të më doje vërtet, a do më blije një ore. Nëse do të më doje vërtet, a do të bëje atë që dua unë.” Fatkeqësisht, dashuria mund të bëhet një mjet negocimi manipulues.

Me këtë ide në mendje, si duhet ta interpretojmë thënien e Jezusit tek Gjoni 14:15? Jezusi tha: “Nëse më doni, zbatoni urdhërimet e mia”. Është pothuajse sikur Jezusi të thotë: “Nëse më do vërtet, do të bësh atë që them unë.”

Megjithatë, bazuar në karakterin e Krishtit, ne e dimë se Ai nuk na manipulon. Pra, ku na drejton kjo gjë teksa përpiqemi ta kuptojmë këtë pasazh?

Ajo na lë një provë shpirtërore të marrëdhënies tonë me Krishtin. Nëse po përjetojmë probleme në rrugëtimin tonë me Perëndinë (p.sh. mungesa e pasionit, rritje në besim, ndjekja e modeleve mëkatore, etj.), është një çështje dashurie. Shumica e të Krishterëve janë mësuar se sa më shumë t’i bindemi Perëndisë,

aq më shumë do ta duam Perëndinë. Jezusi po mëson pikërisht të kundërtën.

Sipas Krishtit, sa më shumë ta duam Perëndinë, aq më shumë do t’i bindemi Perëndisë. Kur ndodhin probleme të marrëdhënies që kemi me Atin, Jezusi thotë: “Përqendrohuni te dashuria. Shikoni dashurinë. Kthehuni dhe më doni Mua. Problemet tuaja nuk janë mungesa e motivimit, mungesa e vetëkontrollit ose mungesa e njohjes së së vërtetës shpirtërore. Problemet tuaja rrjedhin nga mungesa e dashurisë.” Dashuria është pika e fillimit – jo bindja. Kur e duam Perëndinë, ne do t’i mbajmë urdhërimet e Tij.

Dashuria jonë do të rezultojë gjithmonë në bindje, por bindja jonë nuk do të rezultojë gjithmonë në dashuri.

#### Cilat janë tre probleme në jetën tuaj shpirtërore që duket se po përsëriten?

---

---

---

---

Cilat janë tre probleme në jetën tuaj shpirtërore që duket se po përsëriten?

#### Bazuar në shembullin e Jezusit, si rritemi në marrëdhënien tonë me Perëndinë? (Udhëzim: Marku 1:35; Gjoni 14–15)

---

---

---

---

**Sugjerim për lutje:** Zoti Jezus, dua të të njoh. Faleminderit që më ndihmon të shoh një rrugë të qartë drejt perëndishmërisë. E di

që fokusimi në problemet e mia do të më çojë në humbje dhe fokusimi tek Ti do të më çojë në fitore. Më mëso të të dua. Në emër të Jezusit lutem, amen!”

**Fragmente për Studim Shtesë:** Ligji i Përtërirë 6:1–25; 30:6, Jozueu 22:5, 1 Gjoni 4:16–21, Romakëve 8:12–17

**Shënime:**



DITA 6

## **Pse nuk mund ta adhuroj Zotin në shtëpi?**

Ju e dini rutinën. Është po aq e parashikueshme sa taksat dhe pothuajse po aq e këndshme. Quhet kaosi i mëngjesit të së dielës. Alarmi bie dhe ndihesh sikur të ka goditur një kamion. Fëmijët janë të çuditshëm, nuk ka ujë të ngrohtë, duhet të çosh djalin në çerdhe dhe qeni ka prishur këpucët tuaja të mira. Gjithçka po shkon në drejtimin e gabuar. Në këtë kohë, dy pyetje vijnë në mendje: “Pse të dielat janë kaq ditë të vështira dhe pse nuk mund ta adhuroj Zotin në shtëpi?”

Le të jemi të sinqertë! Ne të gjithë jemi përballur me këto lloj pyetjesh në një moment të udhëtimit tonë shpirtëror. Si e trajton Bibla këtë shqetësim?

Tek Veprat e Apostujve 2:42–47, Luka shkruan:

“Por ata ishin ngulmues në mësimin e apostujve dhe në bashkësi dhe në thyerjen e bukës dhe në lutjet. Edhe çdo shpirt i hyri frika; dhe shumë mrekullira dhe shenja bëheshin nëpërmjet apostujve. Por gjithë ata që besonin ishin bashkë dhe kishin çdo gjë të përbashkët; Dhe i shisnin pronat dhe pasuritë dhe ua ndanin të gjithëve, sipas nevojës së secilit. Dhe ngulmonin me një mendje të vetme çdo ditë në tempull dhe duke thyer bukën nga shtëpia në shtëpi, merrnin ushqimin me ngazëllim dhe me thjeshtësi zemre,

duke lavdëruar Perëndinë dhe duke pasur hir përpara gjithë popullit. Dhe Zoti i shtonte kishës çdo ditë ata që ishin shpëtuar”

Unë kam nënvizuar një numër fjalësh për të treguar një model të përgjithshëm për të krishterët. Fjalët e nënvizuara janë në numër shumë ose të orientuara në grupim. Çështja është e thjeshtë! Nuk ka krishterim përveç komunitetit. Pse nuk mund ta adhuroj Zotin në shtëpi? Përgjigja është se Zoti e ka projektuar jetën e krishterë që të shprehet plotësisht dhe të shijohet në bashkësinë e besimtarëve.

Kisha e shekullit të parë studionte së bashku, rrinin së bashku, ushqeheshin së bashku, luteshin së bashku, jetuan së bashku, mbledhën burimet e tyre, morën kungim së bashku dhe më e rëndësishmja, adhuruan së bashku. Krishterimi është një grup!

Një nga mënyrat më të mëdha për të shprehur dashurinë tonë për Zotin është në kontekstin e adhurimit së bashku. Me një zë, ne e lavdërojmë Atë! Me një zemër, ne e ndjekim Atë. Me një mendje, ne dëshirojmë ta njohim Atë. Si pjesë e kishës së Jezu Krishtit, shumë nga rritja jonë në Krishtin dhe pasioni për Krishtin do të përcaktohen nga lidhja jonë me Trupin e Tij.

Vendoseni sot, që ta bëni adhurimin në grup një pjesë të rregullt të javës suaj!

**Pse mendoni se ishte e rëndësishme që kisha e shekullit të parë të mbledhej rregullisht “në tempull” dhe “shtëpi në shtëpi”?**

---

---

---

---

**Sugjerim për lutje:** Zoti Jezus, dua të të njoh. E kuptoj që një pjesë e rritjes sime tek Ti gjendet tek bashkimi me besimtarët e tjerë. Faleminderit për privilegjin për t’u bashkuar në adhurimin e përbashkët. Të lutem më ndihmo të të ndjek bashkë me të tjerët. Në emër të Jezusit lutem, amen!

**Fragmente për Studim Shtesë:** Hebrejve 10:23–25, Kolosianëve 3:12–16

**Shënime:**





## DITA 1

### Një vend për inkurajim

A nuk ju pëlqen kur ju inkurajojnë njerëzit? Ata komplimentojnë këpucët e tua, flokët, talentin, pikat tuaja të forta dhe çdo gjë tjetër që mund të vënë re. Ata kanë një aftësi për të thënë gjënë e duhur në kohën e duhur në mënyrën e duhur, dhe kjo ju le bën të lartësoheni dhe të mbushur me shpresë. Në disa mënyra, inkurajimi është qetësim verbal për njerëzit e lënduar.

Javët e fundit, kam vënë re një prirje interesante gjatë leximit të Testamentit të Ri. Apostujt shpenzuan pjesën më të madhe të shërbimit të tyre duke i forcuar besimtarët dhe duke i inkurajuar ata në rrugën e tyre me Perëndinë. Vini re shembujt e dhënë:

*“Dhe ata mbasi e lexuan [një letër të dërguar nga Juda dhe Sila], u gëzuan për ngushëllimin.” (Veprat 15:31).*

*“Dhe Juda e Sila... i nxitën vëllezërit dhe i forcuan.” (Veprat 15:32).*

*“...dhe, kur i panë vëllezërit, i ngushëlluan dhe ikën” (Veprat 16:40).*

*“Prandaj ngushëlloni njëri-tjetrin dhe ndërtoni njëri-tjetrin ashtu sikur edhe bëni” (1 Thesalonikasve 5:11).*

*“Dhe Jezusi, i quajtur Just, të cilët vijnë nga...u bënë për mua ngushëllim” (Kolosianëve 4:11).*

*“Duke forcuar shpirtrat e dishepujve dhe duke i nxitur që të qëndrojnë në besim dhe duke thënë se me shumë mundime do të hyjmë në mbretërinë e Perëndisë” (Veprat 14:22).*

*“Inkurajoni njëri-tjetrin çdo ditë... që askush nga ju të mos ngurtësohet nga mashtrimi i mëkatit” (Hebrenjve 3:13).*

Gjithmonë më është mësuar se qëllimi i grupeve të vogla ishte të mësohej më thellë. Kjo mund të jetë një pjesë e saj. Po nëse bashkimi me besimtarët ka të bëjë më pak me informacionin dhe më shumë me inkurajimin dhe forcën? Ne të gjithë dimë më shumë për Biblën sesa praktikojmë, por askush nuk ka më shumë inkurajim sesa duhet!

A po kaloni kohë dekurajuese? Nëse po, bëjini vetes një pyetje të dytë: “A po e vendos veten aty ku njerëzit mund të më flasin për inkurajimin dhe forcën në jetën time?”

#### **Nëse nuk jeni pjesë e një grupi të vogël, çfarë ju pengon?**

---

---

---

---

A i keni treguar ndonjë nga këto çështje Perëndisë në lutje? Nëse jo, ndani shqetësimet tuaja me Atin.

## Çfarë na mëson Hebrenjve 10:23–25 rreth të mbledhurit së bashku?

---

---

---

---

**Sugjerim për lutje:** Zoti Jezus, dua të të njoh. Unë e kuptoj se inkurajimi dhe forca gjenden në shoqërinë me besimtarët e tjerë. Zbullo veten tek mua ndërsa takohem me të tjerët. Në emër të Jezusit lutem, amen!

**Fragmente për Studim Shtesë:** Veprat 11:19–24; Kolosianëve 3:15; 1 Thesalonikasve 5:11–14

### Shënime:



## DITA 2

### Elementi njerëzor

Ka shumë për të folur për sa i përket rritjes shpirtërore mes të krishterëve. Ne e dimë se kjo rritje është e rëndësishme dhe dimë se mungesa e rritjes po shteron. Por a po na tregohet gjithçka?

Nëse shkoni në një librari të Krishterë, sytë tuaj do të shohin me mijëra libra që synojnë t'ju zhvillojnë në besim. Ju mund të lexoni libra mbi fuqinë e lutjes. Mund të studioni metoda të ndryshme për jetën e devotshme. Mund të bëheni shumë të mirë për sa i përket marrëdhënies shpirtërore, por në çdo libër që do të lexoni, do të merrni një mesazh delikat: “Rritja shpirtërore është vetëm një libër larg!”

Apo nuk është?

Në përvojën tuaj, sa dishepuj autodidakt keni hasur? Edhe pse librat janë pjesë e rritjes personale, ata nuk synojnë të jenë “metoda e pavarur e studimit” e jetës së krishterë. Librat mund të tregojnë të vërtetat dhe të zgjerojnë të kuptuarit tonë, por ata nuk mund të zënë vendin e ndërveprimit njerëzor. Fjalët e urta 27:17 thotë: “Hekuri mpreh hekurin, kështu njeriu mpreh fytyrën e shokut të tij”. Sipas planit të Zotit, një pjesë e madhe e rritjes sonë shpirtërore vjen nëpërmjet ndërveprimit që kemi me besimtarët e tjerë.

Imagjinoni se sa ndryshe do të ishte Bibla nëse librat (jo besimtarët) do të ishin instrumenti i zgjedhur i Perëndisë për rritjen shpirtërore? Disa versione të ndryshme do të ishin kështu:

“Ashtu si librat mprehin mendjet, po ashtu një libër mpreh ata që e lexojnë.” (interpretim nga Fjalët e Urta 27:17)

“Dhe të gjithë ata që kishin besuar rrinin në shtëpi duke lexuar. Ata kishin pak gjëra të përbashkëta (sepse takoheshin rrallë), por u pëlqente të shkëmbejnë libra dhe shënime dhe po i ndanin këto me të gjithë, që mund t’i dhelpë ndokujt.” (interpretim nga Veprat e Apostujve 2:44–45)

“Dy libra janë më të mirë se një sepse kanë më shumë informacion.” (interpretim nga Predikuesit 4:9)

Librat janë të shkëlqyer, por nuk mund të zëvendësojnë elementin njerëzor në rritjen shpirtërore.

**Ne e dimë se bashkimi me besimtarët është i rëndësishëm për inkurajim dhe forcë. Sot, ne mund të shohim se bashkimi me besimtarët është një çelës për rritjen shpirtërore. Me kë po takoheni rregullisht me qëllimin e rritjes shpirtërore?**

---

---

---

---

**Nëse një pjesë e rritjes sonë shpirtërore vjen nëpërmjet takimeve me të tjerët, kjo do të nënkuptonte gjithashtu se një pjesë e rritjes shpirtërore të dikujt tjetër do të vijë nga takimi me ne. Rendisni dy fusha ku Zoti ju ka mësuar diçka që mund të jetë e vlefshme për të tjerët (p.sh. lutja, besimi, durimi, kujdesi për të tjerët, etj.).**

---

---

---

---

**Sugjerim për lutje:** Zoti Jezus, dua të të njoh. E kuptoj se një pjesë e rritjes sime shpirtërore vjen nëpërmjet bashkimit me të tjerët. Të lutem më ndihmo të bëhem pjesë e një grupi që përshatet me mua. Faleminderit që kujdesesh për secilën pjesë të rritjes sime shpirtërore. Zoti im, të dua. Në emër të Jezusit lutem, amen!

**Fragmente për Studim Shtesë:** Romakëve 12:1–13; Efesianëve 4:1–16; 1 Thesalonikasve 3:11–13

**Shënime:**



## DITA 3

### Një sfidë për jetën egoiste

*“Secili ta çmojë tjetrin më shumë se veten. Të mos shikojë secili interesin e vet por edhe atë të të tjerëve.” – Filipianëve 2:3–4*

Kjo histori nuk është e gjitha për ju. Sado e vështirë të jetë për tu pranuar, është e vërtetë! Shumica prej nesh tundohen të mendojnë se jeta është vetëm një histori e madhe dhe se ne kemi rol specifik për të luajtur. Gjithçka që ndodh shihet si një sfidë, një hap ose një mësim për ne. Ne kurrë nuk mund t’i shprehim me fjalë bindjet tona në këtë mënyrë por qëndrimet tona e tregojnë këtë gjë.

- “Zot, gjendja në llogarinë time ra. Pse lejon të më ndodhin këto gjëra mua?”
- “Zot, nuk kam para të mjaftueshme. Çfarë po përpiqesh të më mësosh në këtë situatë?”
- “Zot, më duhet të qëndroj përsëri vonë. Pse më zgjodhesh gjithmonë mua për të punuar jashtë orarit?”

Po sikur qëllimi përfundimtar i ndodhive të jetës sonë të mos ketë të bëjë fare me ne? Po sikur gjendja e llogarisë të ketë rënë sepse kishte ndikim tek dikush tjetër? Po sikur Perëndia të ketë hequr disa nga burimet tuaja financiare për t’iu përgjigjur lutjeve të dikujt tjetër? Po sikur mundësia juaj për të punuar deri vonë t’ju

lejojë Perëndisë të zgjidhë problemet e dikujt tjetër? Ndërsa një histori e madhe ndodh rreth nesh, jo çdo ngjarje ka të bëjë me ne.

Ka një pikë në jetën e çdo besimtari ku ata duhet t’i përgjigjen pyetjes: “A do ta jetoj jetën për veten time apo do ta jap atë për të tjerët?” Jezusi na mësoi se ai që do të dojë të shpëtojë jetën e vet do ta humbasë atë, por ai që do ta humbasë jetën e vet, do ta gjejë atë (Mateu 16:25).

Një nga bekimet e bashkimit me besimtarët është se na detyron të interesohemi për të tjerët. Nga natyra, ka shumë pak njerëz që janë vërtet të shqetësuar për nevojat e të tjerëve. Që nga fillimi i njerëzimit, natyra jonë është përqendruar tek “vetja”. Pjesë e udhëtimit tonë drejt ngjashmërisë me Krishtin është “mohimi i vetvetes” dhe shërbimi ndaj të tjerëve (Mateu 16:24–27). Kur besimtarët takohen në bashkësinë biblike, trajtohen të dyja fushat.

**Pse është e vështirë të pranojmë që historia nuk ka të bëjë me ne?**

---

---

---

---

**Si do të dukenin grupet e vogla nëse do të mblidheshim me qëllimin për të ndihmuar, shërbyer, inkurajuar dhe forcuar njëri-tjetrin?**

---

---

---

---

**Sugjerim për lutje:** Zoti Jezus, dua të të njoh. Unë rrëfej dëshirën time për të qenë në qendër të historisë dhe kam nevojë që të më ndryshosh plotësisht. Të dorëzohem ty dhe të kërkoj të jetosh në mua me qëllim që të bekosh të tjerët. Në emër të Jezusit lutem, amen!

**Fragmente për Studim Shtesë:** Filipianëve 2:1–11; Galatasve 6:1–2; Kolosianëve 3:12–17

**Shënime:**



DITA 4

## Mësime nga dhoma e palestrës

Kur isha në klasën e gjashtë u njoha me mrekullitë që ofronte palestra. Ishte një botë magjepsëse e forcës dhe trimërisë. E kuptova shpejt se “jeta në palestër” ishte një kulturë më vete. Njerëzit ishin të ndryshëm. Ata mendonin, vepronin dhe vishnin gjëra të ndryshme nga njerëzit normalë. Përdornin doreza pa gisht (doreza boski), vishnin bluza të posaçme për stërvitje dhe pantallona të shkurtra shumë të ndryshme nga normalet. E vetmja gjë që nuk ishte e ndryshme ishte krenaria!

Në mënyrë të pashmangshme, djali më i vogël në palestër thërriste më fort, fliste më shumë dhe ngrinte më pak peshë! Nëse shihje vetëm për rreth pesë minuta, nuk ishte e vështirë të dalloje ata që kishin përvojë dhe ata që donin që ju të mendonit se kishin përvojë.

Ata me përvojë vishnin rroba normale, punonin me ritëm gjatë gjithë stërvitjes dhe bënë ushtrime më të rënda. Ata pa përvojë përdornin të gjitha pajisjet, pretendonin të ngrinin peshat më të rënda dhe imitonin të tjerët, gjë që tregon një shenjë dobësie. Nuk mund t’ju them sa herë më është dashur të ngre shtangën e një personi që vishej me doreza të bukura, nga kanatiere për palestër dhe pantallona të ngushta. (Diçka aspak e bukur!)

Besoni apo jo, ka disa të vërteta shpirtërore që mund t'i nxjerrim nga palestra.

**E vërteta 1: Përvoja do t'iu ndihmojë në marrjen e vendime të mençura.**

**E vërteta 2: Nëse keni përvojë nuk keni frikë të kërkontë ndihmë.**

“Më mirë dy njerëz se një i vetëm, sepse kanë një shpërblim të mirë për mundin e tyre. Sepse nëse rrëzohen, njëri do ta ngrejë shokun e vet; por mjerë ai që është vetëm dhe bie, sepse s'ka njeri që ta ngrejë.” – Predikuesit 4:9–10

Besimtarët e pjekur, të cilët kanë përvojë në rrugën e tyre me Perëndinë, do të marrin vazhdimisht vendime të mençura. Ata qëndrojnë qëllimisht afër besimtarëve të tjerë sepse “dy janë më mirë se një”. Gjithashtu ata nuk kanë nevojë për të sprovuar veten në çdo hap, dhe për këtë arsye, do të përfitojnë nga mundësitë që kanë në dispozicion (p.sh. shërbesat e adhurimit, grupet e vogla, koha e përditshme me Zotin etj.). Ndërsa një besimtar i pjekur mund të dijë shumë nga informacionet e paraqitura këtu, ata gjithashtu e njohin nevojën e tyre për llogaridhënie dhe unitet. Ata e dinë se kur bien, është mirë të kenë “një tjetër që ta ngrejë lart.”

Besimtarët më të rinj ose më pak të pjekur ngatërrojnë të mirën me perëndishmërinë. Ata kanë të gjitha mjetet e duhura, thjesht nuk dinë ti përdorin ato. Ata refuzojnë mundësitë për rritje në besim sepse e kanë bindur veten që nuk kanë kohë ose se nevoja për tu rritur nuk është urgjente. Kur ata qëndrojnë para besimtarëve të tjerë, e gjejnë veten të ngrirë dhe duke luftuar nevojën për të provuar veten në çdo situatë. Në mënyrë të pashmangshme, ata i zgjerojnë nevojat e tyre dhe krenaria i pengon të kërkojnë ndihmë. Kur bien, janë të izoluar.

Jeta e krishterë nuk është thjesht një vrapim; është një maratonë! Askush i'a del i vetëm dhe vendimet e mençura që të qëndrueshme do t'iu ndihmojnë më shumë sesa shpërthimet shpirtërore të rastit.

**Lexoni Titit 2:3–6, Romakëve 12:10, Hebrenjve 11:11–12**

**Sugjerim për lutje:** Zoti Jezus, dua të të njoh. E kuptoj që një pjesë e mënyrës për të të njohur është të shikoj jetën e atyre që të kanë njohur më gjatë. Unë angazhohem të pozicionoj jetën time mes besimtarëve të pjekur. Në emër të Jezusit lutem, amen!

**Shënime:**



## DITA 5

### **Uniteti është një zgjedhje e stilit të jetesës**

Gjatë katër ditëve të fundit, ne kemi parë se bashkimi me besimtarët e tjerë është i rëndësishëm për të na dhënë inkurajim dhe forcë, për të krijuar një mjedisi ku të rritemi në besim, për të sfiduar jetën tonë egoiste dhe për të marrë vendime të mençura për sigurinë e komunitetit. Sot, do të shohim sesi bashkimi me besimtarët bëhet një zgjedhje e stilit të jetesës që sjell gëzim për ata që e zgjedhin.

Tek Veprat e Apostujve 2:42–47, Luka shkruan:

*“Por ata ishin ngulmues në mësimin e apostujve dhe në bashkësi dhe në thyerjen e bukës dhe në lutjet. Edhe çdo shpirt i hyri frika; dhe shumë mrekullira dhe shenja bëheshin nëpërmjet apostujve. Por gjithë ata që besonin ishin bashkë dhe kishin çdo gjë të përbashkët; Dhe i shisnin pronat dhe pasuritë dhe ua ndanin të gjithëve, sipas nevojës së secilit. Dhe ngulmonin me një mendje të vetme çdo ditë në tempull dhe duke thyer bukën nga shtëpia në shtëpi, merrnin ushqimin me gazëllim dhe me thjeshtësi zemre, duke lavdëruar Perëndinë dhe duke pasur hir përpara gjithë popullit. Dhe Zoti i shtonte kishës çdo ditë ata që ishin shpëtuar.”*

Çfarë grupi i jashtëzakonshëm besimtarësh! Ne dëgjojmë shumë për zgjedhjet e stilit të jetesës. Që nga shkollat Biblike deri te

reklamat e shëndetit publik, na kërkohet të marrim vendimet e duhura. Qëllimi është të ndihmojmë njerëzit të kuptojnë se zgjedhjet e stilit të jetesës që bëjmë do të përcaktojnë jetën tonë.

Kur flas për zgjedhjet e stilit të jetesës, po i referohem vendimeve që ndryshojnë rrjedhën e përgjithshme të jetës suaj. Për shembull, një vendim për të marrë drogë, për të marrë borxhe ose për të shkuar në universitet do të ndryshojë gjithë rrjedhën e jetës suaj. Një vendim për të ndjekur Krishtin, për t'u bërë një lojtar golfi ose për të filluar një biznes do të ndryshojë gjithashtu rrjedhën e jetës suaj. Zgjedhjet e stilit të jetesës mund të jenë vendime të mira ose të këqija. Dhe ndërsa të gjitha vendimet e stilit të jetesës nuk do të kenë të njëjtin ndikim, ato do të ndryshojnë mënyrën se si jetoni nga dita në ditë.

Të jetoni së bashku është një zgjedhje e stilit të jetesës. Kur besimtarët zgjedhin të takohen së bashku jo vetëm në takimet e kishës dhe në studimet Biblike, por më shpesh, kjo do të ndryshojë rrjedhën e përgjithshme të jetës së tyre. Kisha e shekullit të parë mësoi së bashku, shoqërohej së bashku, hëngrën së bashku dhe u lutën së bashku. Ata e përjetuan Perëndinë rregullisht në kontekstin e komunitetit dhe ishin dëshmitarë të fuqisë së pabesueshme të Perëndisë. Ata kishin shumë gjëra të përbashkëta dhe kujdeseshin për njëri-tjetrin. Zemrat e tyre ishin përkulur drejt lavdërimit dhe shihnin njerëz që bashkoheshin me ta çdo ditë. Çfarë ngjarje e pabesueshme! POR... në fund të ditës, zgjedhjet që ata bënë për të qenë në unitet përcaktuan jetën që ata jetuan në përgjithësi.

Ju kurrë nuk do të detyroheni të përjetoni unitetin në atë nivel. Por shpresojmë se mendimi i bashkësisë së singertë do t'ju inkurajojë ta zgjidhni atë.

**Keni ndonjë frikë për sa i përket bashkësisë së sinqertë?  
Shkruajini ato më poshtë:**

---

---

---

---

**Sugjerim për lutje:** Zoti Jezus, dua të të njoh. Të falenderoj që më ke dhënë një vend të cilit i përkas. Faleminderit që më ke bërë pjesë të familjes Tënde. Më ndihmo të kaloj çdo frikë që mund të kem për unitetin dhe më ndihmo të kem marrëdhënie më të thella me besimtarët e tjerë. Në emër të Jezusit lutem, amen!

**Fragmente për Studim Shtesë:** Veprat 4:32–35;  
1 Korintasve 12:4–27; Efesianëve 4:1–6

**Shënime:**



DITA 6

## T'i shërbejmë njëri-tjetrit

Çfarë do të thotë të jesh dishepull i Jezu Krishtit? Kur mendojmë për një dishepull, zakonisht mendojmë për një nxënës (dikë që mëson nga një mësues). Ndërsa padyshim që përfshihet një komponent i të mësuarit, një dishepull është më shumë se thjesht një nxënës. Një dishepull i Krishtit është dikush që bën atë që bën Jezusi për të qenë si Ai.

Këtë ide theksojeni në kontekstin e bëjres së dishepujve. Si kishë, qëllimi ynë është të bëjmë dishepuj. Prandaj, çdo bisedë mbi bërjen e dishepujve duhet të përfshijë gjithashtu një diskutim mbi të jetuarit siç jetoi Krishti. Tek Mateu 20:26–28, Jezusi tregoi një të vërtetë të rëndësishme mbi mënyrën se si jetoi: *“Kushdo që dëshiron të jetë i madh, duhet të bëhet shërbëtor. Kushdo që dëshiron të jetë i pari nga ju, duhet të jetë robi juaj. Kështu ka bërë Biri i njeriut. Ai erdhi për të shërbyer, jo për t'u shërbyer.”*

Jezusi erdhi për t'u shërbyer të tjerëve! Si të krishterë, është e lehtë të përqendrohemi tek mësimet, mrekullitë ose cilësitë hyjnore të Jezusit. Por nëse duam të kuptojmë mënyrën se si jetoi Jezusi nga dita në ditë, ne duhet të shohim shërbimet që kreu gjatë jetës së Tij.

Çfarë do të thotë kjo për ne? Do të thotë që shërbimi ndaj të tjerëve duhet të bëhet një pjesë kryesore e jetës sonë. Një nga fushat e para në të cilat ne mësojmë se si të shërbejmë është në kontekstin e kishës lokale. Mësojmë duke i shërbyer njëri-tjetrit. Për këtë qëllim Fryma e Shenjtë i ka dhënë dhuratat shpirtërore çdo besimtari. 1 Korintasve 12:7 na thotë: “Dhe secilit i jepet shfaqja e Frymës për dobinë e përbashkët.” Kushtojini vëmendje fjalës “secilit”. Ne të gjithë kemi një dhuratë shpirtërore dhe Perëndia dëshiron që secili prej nesh ta përdorë atë dhuratë me qëllim që t’u shërbejë të tjerëve.

Ndërsa bashkohemi me besimtarët e tjerë, ne ndërgegjësohemi për nevojat tona shpirtërore. Ndërsa nevojat bëhen të njohura, ai i jep secilit prej nesh mundësinë për të përdorur dhuntitë tona shpirtërore në mënyrën që kishte menduar Perëndia. Ndërsa shërbejmë, ne modelojmë jetën e Krishtit. Së fundi, ndërsë modelojmë jetën e Krishtit, ne jemi vërtet dishepuj të Tij.

**A i dini dhuntitë tuaja shpirtërore? Nëse po, shkruani ato. Nëse jo, a jeni të gatshëm t’i zbuloni?**

---

---

---

---

**Kur bashkoheni me besimtarë të tjerë – vini për të shërbyer apo për t’u shërbyer?**

---

---

---

---

**A besoni se po i shërbeni Trupit të Krishtit me potencialin tuaj të plotë? Si mund të shërbeni tjetër?**

---

---

---

---

**Nëse mund të shërbeni në një mënyrë më të madhe, a do të ishit të gatshëm ta ndanit zemrën tuaj me një pastor?**

---

---

---

---

**Sugjerim për lutje:** Zoti Jezus, dua të të njoh. Faleminderit që më ke dhënë një dhuratë shpirtërore që ta përdor për t’u shërbyer të tjerëve. Unë lutem që të përdorni në maksimum potencialin tim. Më jep kurajo të ndaj dhuratat e mia me të tjerët. Në emër të Jezusit lutem, amen!

**Fragmente për Studim Shtesë:** Romakëve 12:4–9; 1 Pjetri 4:10–11; 1 Korintasve 12

**Shënime:**





## DITA 1

### Që ata të shohin veprat tuaja të mira

*“Ashtu le të shkëlqejë drita juaj para njerëzve, që të shohin veprat tuaja të mira dhe të lëvdojnë Atin tuaj që është në qiej.”*

– Mateu 5:16

Menjëherë pas kthimit tim në besim, takova një “gjigand” të quajtur Bob. Bob ishte 2 metër i gjatë dhe peshonte rreth 120 kilogram. Ai ishte ndërtuar në mënyrë të përkryer për punën e tij. Bob ishte një besimtar në qendrën e paraburgimit në Savannah, Georgia. Çdo javë Bobi drejtonte studime biblike, lutej dhe u shërbente vrasësve, hajdutëve, përdhunuesve dhe kriminelëve të çdo lloji.

Aty ishte një burrë që ndiqte rregullisht mbledhjet, por ai nuk ishte i gatshëm të besonte tek Krishti. Ai shfaqej, shikonte nga larg dhe më pas largohej në punët e tij.

Pas disa muajsh, i njëjti burrë ngriti dorën në një studim biblik dhe rrëfeu se kishte besuar tek Krishti si Shpëtimtar. Të gjithë u habitën! I pushuar nga kurioziteti, Bobi e pyeti: “Pse u bëre i krishterë?” I burgosuri u përgjigj: “Unë u bëra i krishterë sepse të pashë ty teksa fshije zyrën tënde”. Siç mund ta imagjinoni, përgjigjja e të burgosurit ngriti akoma më shumë pyetje.

Ai shpjegoi se njerëzit me autoritet gjithmonë përfitojnë nga ata

që janë poshtë tyre. Prandaj ishte i shqetësuar se nëse do t’i dorëzohej autoritetit të Krishtit, atëherë Jezusi mund të bënte të njëjtën gjë. Ky shqetësim u zvogëluar kur vuri re Bobin që fshinte zyrën e tij. Ai vuri re se një numër i të burgosurve ofruan të pastronin zyrën e Bobit, por në vend që të përfitonte nga gatishmëria e tyre, Bobi refuzoi me dashamirësi.

I burgosuri doli në përfundimin se, nëse Bobi, si ndjekës i Krishtit, nuk do të përfitonte nga ata që ishin nën të, kishte shumë mundësi që Jezusi të ishte i njëjti. Një veprim aq i thjeshtë sa fshirja e dyshemesë u përdor nga Perëndia për të bindur një njeri për karakterin e hirshëm të Tij.

Jezusi tha se ne duhet të jetojmë në atë mënyrë që njerëzit “të shohin veprat tuaja të mira dhe të lëvdojnë Atin tuaj”. Ne nuk duhet të përfshihemi në vepra të mira për të tërhequr vëmendjen tek vetja; aktivitetet tona synojnë t’i sjellin lavdi Perëndisë, Atit tonë. Parimi që gjendet në këtë pasazh duhet t’i inkurajojë të krishterët që të jenë të ndërgjegjshëm për veprimet e tyre. Mënyra se si jetojmë është shpesh më e fuqishme se ajo që themi.

**Shërbimi ndaj të tjerëve duhet të rrjedhë nga thellësia e zemrës. A mund të bëni ndonjë ndryshim që mund të hapë më shumë dyer për t’u shërbyer të tjerëve?**

---

---

---

---

**Në pozicionin tuaj aktual, si mund të bëhet drita juaj më e ndritshme për Krishtin?**

---

---

---

---

Mënyra se si i trajtojmë të tjerët ose do t'i drejtojmë njerëzit drejt Krishtit ose do t'i largojmë njerëzit nga Krishti.

**Sugjerim për lutje:** Zoti Jezus, dua të të njoh ty dhe dua që të të njohin edhe të tjerët. Të lutem më ndihmo të jem i vetëdijshëm se si veprimet e mia perceptohen nga njerëzit që ndodhen rreth meje. Jeta ime le të pasqyrojë lavdinë tënde! Në emër të Jezusit lutem, amen!

**Fragmente për Studim Shtesë:** Mateu 5:13–16; Veprat 4:32–35; 1 Thesalonikasve 2:1–12; Titit 3:14

**Shënime:**



DITA 2

## Kur një plan merr kuptim

*“Sepse jemi vepra e tij, të krijuar në Krishtin Jezus për vepra të mira që Perëndia përgatiti që më parë, që ne të ecim në to.”*  
– Efesianëve 2:10

Për të gjithë ju që jeni fanatikë të viteve 80’-90’, ky mësim është krijuar posaçërisht për ju! A ju kujtohen programet e pabesueshme televizive të kësaj kohe? Unë përlohem vetëm duke menduar për to! Kanë qenë kohë të mira, vërtet të mira!

Gjithsesi, një nga programet që familja ime ndiqte gjithmonë ishte Grupi-A. Rolet në këtë program televiziv ishin të jashtëzakonshme, muzika e paparë dhe ngjarjet ishin saktësisht të njëjta nga java në javë. Ju mund të parashikoni 80% të episodit së javës së ardhshme nëse do të kishit parë tre episode të tjera. Tema ishte gjithmonë e njëjtë.

Dikush ishte në telashe. Ata punësonin Grupin-A për t’i ndihmuar. Personazhi i quajtur Hanibal kishte gjithmonë një plan. Murdok-u ishte shumë i fuqishëm, “Faceman” mbronte të gjitha femrat dhe personazhi tjetër B.A. do të ndërtonte katërmbëdhjetë armë vetëm me tre tuba, një ngjitës dhe një kut gëzhoash. Ata asnjëherë nuk dilnin jashtë planit. Hanibal ndizte një cigare dhe thoshte: “Më pëlqen kur një plan merr kuptim”. Çfarë shfaqjeje!

Kur mendoj për këtë serial, nuk mund të kujtoj një herë të vetme që “plani” i Hanibal-it nuk funksionoi. Ai ishte ose djali më i zgjuar në TV ose më me fat. Megjithatë, shfaqja ishte argëtuese.

Tek Efesianëve 2:10, ne zbulojmë se Hanibal nuk është i vetmi që kishte një plan. Sipas Shkrimit, Perëndia “planifikoi se ne duhet të shpenzohim jetët tona duke ndihmuar të tjerët”. Që nga e kaluara, Zoti ka parë në të ardhmen, i ka kuptuar problemet dhe ka hartuar në mënyrë krijuese, një plan për t’i trajtuar ato probleme. Plani i Perëndisë është që Ai jeton përmes popullit të Tij dhe njerëzit e Tij e shpenzojnë jetën e tyre për të ndihmuar të tjerët.

Si ndjekës të Jezus Krishtit, dëshira jonë nuk duhet të jetë vetëm rritja e njohurive të Biblës; dëshira jonë duhet të jetë gjithashtu të bashkohemi planit të Perëndisë në mbarë botën. T’i shërbesh botës nuk është thjesht një ide e mirë; është plani i Zotit! Kur ju dhe unë shërbejmë njëri-tjetrit dhe i shërbejmë botës, ne po jetojmë sipas planit që është bërë për jetën tonë.

**Si mund të përdoret nga Perëndia për t’u shërbyer të tjerëve?  
Mendoni për fushat ku jeni të talentuar ose për ato të cilat keni një pasion.**

---

---

---

---

**Nëse Zoti na krijoi për të shërbyer dhe planifikoi që ne t’ia kushtonim jetën tonë shërbimit të të tjerëve, çfarë ndodh nëse zgjedhim të mos shërbejmë?**

---

---

---

---

**Sugjerim për lutje:** Zoti Jezus, dua të të njoh. E shoh që ti ke një plan për jetën time dhe ai plan është t’u shërbesh të tjerëve. A do të më ndihmosh të shoh mundësitë për shërbim dhe do të më jepni kurajon të shërbej kur të vijë koha? Unë të dua, Zot! Në emër të Jezusit lutem, amen!

**Fragmente për Studim Shtesë:** Zanafilla 1:26–31 & 2:4–8;  
1 Pjetrit 2:9–12

**Shënime:**



## DITA 3

### Të bëhemi si ata që ndjekim

*“Por kush të dojë të bëhet i madh ndër ju le të jetë shërbënesi juaj; edhe kush të dojë të jetë i pari ndër ju, le të jetë shërbëtori juaj. Ashtu si Biri i njeriut nuk erdhi që të shërbehet, por për të shërbyer.” – Mateu 20:26–28*

A keni admiruar ndonjëherë dikë? Nuk po flas për adhurimin e një personi ose për të menduar se ai është një Zot. Po flas për të qenë vërtetë, vërtetë, vërtetë si ata. Shumica e njerëzve mund të kujtojnë një futbollist, një aktor, një muzikant apo edhe një fëmijë të njohur në shkollë që ka pasur çdo gjë që i nevojitej. Ne do të kishim bërë gjithçka për të qenë si ata.

Për shkak se kemi idhuj dhe admirojmë, ne e kemi të lehtë t’i imitojmë ata. Gjigandët e marketingut e kanë bërë këtë fenomen prej vitesh. Mënyra më e shpejtë për të shitur këpucë, syze dielli, ora ose rroba është që një person i famshëm t’i veshë ato në publik. Ndërsa ndjekim modën duke u bazuar në admirimin që kemi për të tjerët, gjë që na duket e padëmshme, nevoja jonë për të imituar nuk ndalet me modën. Vendime të rëndësishme të jetës si alkooli, seksi, sjelljet e pahijshme, borxhi dhe madje edhe mënyra si i trajtojmë të tjerët mund të vendime të cilat i imitojmë nga ata që admirojmë.

Por të imitojmë nuk është gjithmonë diçka e keqe. Në fakt, dëshira për t’u përshtatur është vendosur tek ne nga Perëndia. Është dëshira e Perëndisë që ne të përshtatemi, por jo me botën, me karakterin e Perëndisë (Romakëve 12:2).

Këtu është pjesa e ndërlikuar! Nuk është e vështirë t’i bësh njerëzit të përshtaten. Çështja është t’i ndihmojmë njerëzit të kuptojnë se Krishti duhet të jetë bebja e syrit të tyre. Kur Krishti është Ai që ne e admirojmë më së shumti, e respektojmë më së shumti, e duam më së shumti dhe e vlerësojmë më së shumti, atëherë Krishti do të jetë Ai që dëshirojmë të imitojmë.

Jezusi i mësoi dishepujt e Tij t’u shërbenin të tjerëve. Ndërsa çdo besimtar rritet në marrëdhënien e tij me Krishtin, ata do të përjetojnë një dëshirë më të madhe për të shërbyer. Ndërsa ne ndjekim Perëndinë në një marrëdhënie dashurie, Fryma e Shenjtë ndryshon karakterin tonë për t’u përshtatur me Krishtin. Qëllimi ynë është ta duam Atë, por në këtë proces, ne bëhemi si Ai që ndjekim.

**A keni shërbyer ndonjëherë në kishë dhe jeni ndjerë të papërmbushur? Ku keni shërbyer dhe pse zgjodhët të shërbeni aty?**

---

---

---

---

**Bazuar në përgjigjet tuaja më sipër, a mendoni se përvoja juaj do të kishte qenë e ndryshme nëse do të fokusoheshit në dashurinë ndaj Perëndisë dhe do të lejonit që shërbimi juaj të rrjedhë nga kjo dashuri?**

---

---

---

---

**Bazuar në mënyrën se si jetoni, a duket se Jezusi është bebja e syrit tuaj, apo e gjeni veten duke admiruar dhe imituar të tjerët? Nëse po, kë admironi dhe pse?**

---

---

---

---

**Sugjerim për lutje:** Zoti Jezus, dua të të njoh dhe të përshtatem me ty. Më ndihmo të respektoj të tjerët, dhe të të nderoj ty. Në emër të Jezusit lutem, amen!

**Fragmente për Studim Shtesë:** Luka 22:24–27; Filipianëve 2:1–11

**Shënime:**



DITA 4

## Të vihemi kundër krenarisë

*“Por ai jep hir më të madh, prandaj thotë: ‘Perëndia u kundërvihet mendjemëdhenjëve dhe u jep hir të përlururve... Përluruni përpara Zotit dhe ai do t’ju lartësojë’” —Jakobi 4:6, 4:10*

Unë nuk e kuptoj krenarinë. Jo sepse më mungon aftësia për ta përçaktuar atë si koncept por sepse e kam të vështirë të shpjegoj joshen e saj. Pse është kaq e vështirë të lësh pas dore krenarinë?

Nuk ka asnjë mëkat tjetër që merr aq shumë vërejtje dhe ndëshkim sa krenaria. Madje, nuk ka asnjë mëkat tjetër kaq të përhapur në jetën e besimtarëve saç është krenaria. Krenaria mund të gjendet tek mëkati i parë, tek rënia e djallit, tek ndarja e gjuhëve në Babel, tek dëbimi i Nebukadnetsarit, tek refuzimi i Krishtit në shekullin e parë dhe tek refuzimi jonë për të qenë në dorë të Perëndisë në çdo moment. Në rrënjën e mëkatit është çështja e krenarisë.

Si duhet të trajtojmë mëkatin e krenarisë?

Përgjigja më e mirë për këtë pyetje është të ndjekësh shembullin e Krishtit. Jezusi qëndroi në marrëdhënie me Atin e Tij dhe e pozicionoi veten si shërbëtor i të tjerëve (Romakëve 15:8). Marrëdhënia e tij e mbajti Atë në dorë të Atit dhe pozicionimi i Tij si shërbëtor e mbajti Atë të lidhur me njerëzimin. Krishti ishte pa

mëkat, edhe pse Ai u “provua në çdo gjë ashtu si ne” (Hebrenjve 2:17–18, 4:15; Mateu 4). Krishti qëndroi në marrëdhënie me Atin dhe e vendosi veten në një rrugë shërbimi.

Ndërsa ne përballemi me krenarinë, plani ynë duhet të jetë i njëjtë. Filloni duke ndjekur Zotin në një marrëdhënie si ajo e Krishtit. Ndërsa e ndiqni Atë, kërkon Perëndisë të zbulojë vendet ku ju mund të shërbeni. Ndjeki mësimet e Perëndisë dhe duke u shërbyer me përulësi të tjerëve, ne e përballojmë më mirë rrezikun që vjen nga tendencat tona individuale me krenarinë.

**Cilat janë frikërat tuaja për të pamet shërbimit ndaj të tjerëve?**

---

---

---

---

**Shumica e njerëzve kanë nevojë për njohje, vlerësim dhe konfirmim. Gjatë shërbimit ndaj të tjerëve rrallë përdoren këto lehtësira. Si e trajton Zoti këtë shqetësim tek Mateu 6:1–4 dhe Mateu 25:31–40?**

---

---

---

---

**Si jeni përpjekur të trajtoni mëkatin e krenarisë në të kaluarën? A funksionoi?**

---

---

---

---

Mëkati që na mban larg shërbesës është krenaria, dhe “kundërhelmi” i krenarisë është të shërbejmë të përulur. Është e vështirë të shikosh me përçmim të tjerët kur je në rolin e një shërbëtori.

**Sugjerim për lutje:** Zoti Jezus, dua të të njoh dhe të ndjek rrugën që ti ke ecur. Bazuar në parimet e Shkrimit, unë e di se duhet ta përul veten. Unë e marr seriozisht këtë përgjegjësi. Dua të filloj duke rrëfyer dëshirën time për ta bërë këtë gjë. Lutem që të përballem me krenarinë time ndërsa unë të ndjek Ty. Më ndihmo të jem një shërbëtor. Në emër të Jezusit lutem, amen!

**Fragmente për Studim Shtesë:** Romakëve 12:3–8; Galatase 6:1–4

**Shënime:**



## DITA 5

### **Nuk jam ndjerë kurrë më i përmbushur**

Të reagosh është diçka e zakonshme. Një besimtar merr guximin për t'u shërbyer të tjerëve. Pasi shërbimit, ai thotë: "Ndihëm mirë! Në fakt, kurrë nuk jam ndjerë më i përmbushur në jetën time."

Pjesa që të krishterët anashkalojnë është arsyeja pse ata ndihen kështu. Me pak fjalë, qëllimi që ata kanë është ai që përcakton këtë përmbushje. Përdorni imagjinatën tuaj vetëm për një moment dhe ju lutem mos mendoni se jam i çuditshëm në këto pyetje që po bëj. Nëse një aeroplan do të kishte emocione, a mendoni se do të ishte më i përmbushur teksa ullej në tokë apo teksa ishte duke fluturuar nëpër re? Nëse një makinë garash mund të shprehte ndjenjat, a mendoni se do të ishte më e përmbushur teksa qëndronte në trafik apo teksa garonte rreth një piste? Nëse një varkë do të mund të fliste, a mendoni se do të ishte më e përmbushur teksa qëndronte në breg pa lëvizur apo teksa lundronte nëpër valë?

Është e lehtë për ne të shikojmë qëllimin që kanë objektet e pajeta (p.sh. një avioni, një makinë garash ose një varkë) dhe të dimë nëse po e përmbushin këtë qëllim ose jo. Qëllimi përcakton përmbushjen. Për disa arsye, e kemi të vështirë të përdorim të njëjtën logjikë me njerëzit. Ne fokusohemi më shumë në synimin tonë individual sesa në synimin tonë të përgjithshëm.

Ne e dimë se piktorët ndihen të përmbushur kur ata shprehin veten e tyre në telajo. Balerinët ndihen të përmbushur gjatë lëvizjeve që bëjnë. Shpikësit ndihen të përmbushur kur zhvillojnë ide të reja. Por në të gjitha këto fusha, fokusi është në qëllimin individual. Po qëllimi ynë i përgjithshëm? A i ka krijuar Perëndia njerëzit në një mënyrë të tillë që ne të gjithë të përjetojmë një formë të përbashkët përmbushjeje?

Përgjigjja është "Po!" Perëndia na krijoi që të kemi një marrëdhënie me Të dhe Ai na ka porositur t'u shërbejmë të tjerëve.

*"Është vetë Perëndia që na ka bërë ata që jemi dhe na ka dhënë jetë të reja nga Krishti Jezus; dhe shumë kohë më parë ai planifikoi që të kalonim jetën duke ndihmuar të tjerët"* (Efesianëve 2:10).

*"Para se të të bëja në barkun e nënës tënde, Unë të zgjodha. Para se të lindje, të veçova për diçka veçante"* (Jeremia 1:5).

*"Është Ai që na shpëtoi dhe na zgjodhi për punën e Tij të veçantë, jo sepse e meritonim, por sepse ky ishte plani i Tij"* (2 Timoteut 1:9).

Nuk duhet të habitemi kurrë, kur njerëzit gjejnë përmbushje duke u shërbyer të tjerëve. Përmbushja është nënprodukti i të jetuarit ashtu siç jemi projektuar.

**A hasni probleme në përmbushjen tuaj? Nëse po, cilat janë disa fusha ku mund të shërbeni në mënyrë që të përmbusheni plotësisht?**

---

---

---

---

**Nëse qëllimi që kemi për jetën, përcakton përmbushjen tonë, atëherë të jetuarit larg nga ky qëllim do të na çojë në mungesë të përmbushjes. A mund të përmendni disa momente nga jeta tuaj ku po jetoni larg planit të Perëndisë?**

---

---

---

---

**Sugjerim për lutje:** Zoti Jezus, dua të të njoh! Unë shoh në Bibël që ti e ke krijuar dhe projektuar jetën time për të pasur marrëdhënie me Ty dhe për të të shërbyer. Kur më mungon përmbushja, të lutem më ndihmo të kthehem tek qëllimi tim. Unë të dua. Në emër të Jezusit lutem, amen!

**Shënime:**



DITA 6

## **Të ndërtohsh një program për të ndarë fjalën**

*“Ne përherë e falënderojmë Perëndinë për ju të gjithë, duke ju kujtuar në lutjet tona; duke kujtuar vazhdimisht veprën tuaj të besimit, mundimin e dashurisë suaj dhe durimin e shpresës në Zotin tonë Jezu Krisht... Sepse prej jush jehoi fjala e Perëndisë jo vetëm në Maqedoni dhe Akai, por edhe në çdo vend.”*

– 1 Thesalonikasve 1:2–3, 1:8.

Të ndash Fjalën e Zotit është një privilegj apo një e drejtë? Në Amerikë, të gjithë janë të gatshëm për t’u treguar njerëzve të tjerë të drejtat e tyre. Ne kemi të drejtën e fjalës së lirë. Ne kemi të drejtë të mblihdemi në adhurim. Kemi të drejtë të mblihdemi paqësisht në protestë. Të drejtat tona mbrohen fuqishëm. Dhe ndersa jam jashtëzakonisht mirënjohës për të drejtat që gëzojmë, kam frikë se Kisha i ka ngatërruar të drejtat me privilegje.

Në një sondazh të fundit, disa Amerikanëve iu kërkua të jepnin përshtypjen e tyre të parë kur dëgjonin fjalën “të krishterë”. Tre përgjigjet kryesore ishin gjykues, dënuese dhe hipokrite. Nuk ishte tamam ajo që pritej! Amerikanët e kanë kuptuar sikur të Krishterët flasin bazuar në të drejtat dhe jo në veprat. Ne bojkotojmë bizneset për qëndrime jobiblike. Ne protestojmë për klinikat e abortit për shkak të shkatërrimit të jetës. Ne marshojmë kundër të drejtave të homoseksualëve. I bëjmë peticione

Kongresit për shtetet që kanë mungesën e ujit dhe kërkojmë që lutja të praktikohet në shkolla. Por gjatë gjithë kohës, forca shtytëse është: “Ne kemi të drejtë të flasim, kemi të drejtë të protestojmë dhe kemi të drejtë të ndajmë pikëpamjet tona”. Ligjërisht, ne kemi të drejtë; praktikisht, mund ta kemi humbur privilegjin.

Të ndash Fjalën e Zotit është një privilegj. Ne nuk gjejmë asnjë tregim në historitë e Jezusit që kërkonjë të dëgjojnë. Madje as Ai nuk kishte nevojë. Në vend të kësaj, Jezusi i shëroi të lënduarit dhe më pas ndau mesazhin. Ai preku të pafuqishmit dhe më pas mësoi për Mbretërinë. Veprat e shërbimit të Krishtit hapën dyer për diskutim.

Për sa i përket Kishës në Selanik, ata ishin të njohur “për punën e tyre të besimit, për përkushtimin dhe për qëndrueshmërinë në shpresë”. Teksa u shërbenin të tjerëve, përforconin besimin e tyre dhe përkushtoheshin njësoj si për besimtarët ashtu dhe për jobesimtarët, “Fjala e Zotit ... u shfaq”. Fjala e Perëndisë lulëzoi si rezultat i veprimeve të tyre.

Në pesë ditët e fundit, ne kemi parë se duke i shërbyer botës i sjellim lavdi Atit. Kjo është pjesë e planit të Perëndisë, na përshtat ne me karakterin e Krishtit, na vendos kundër krenarisë dhe sjell përmbushje në jetën tonë. Ndërsa përfundojmë studimin tonë për t’i shërbyer botës, ne gjithashtu duhet të kuptojmë se ky shërbim ndërton një program për të ndarë fjalën e Perëndisë. Ndërsa u shërbejmë të tjerëve, Perëndia hap mundësinë për të ndarë Lajmin e Mirë.

Në përfundim të këtij devocioni, shpresoj që të mos e keqkuptoni zemrën time. Unë nuk po sugjeroj që Kisha duhet të humbasë të drejtat e saj; Unë vetëm po sugjeroj që të flasim përmes veprave tona. Është lutja ime që Kisha në Amerikë të njihet për Krishtin që duam dhe jo për çështjet që urrejmë.

**A e gjeni veten duke kërkuar që të dëgjojeni nga të tjerët apo t’ju kërkohet të flisni? Pse?**

---

---

---

---

**Rendisi disa histori ku Jezusi ndoqi modelin e shërbimit dhe më pas të ndarjes së fjalës.**

---

---

---

---

**Sugjerim për lutje:** Zoti Jezus, dua të të njoh. Unë gjithashtu dua të ndaj Ungjillin me të tjerët. Më ndihmo të ndjek modelin tënd. Në emër të Jezusit lutem, amen!

**Shënime:**





## DITA 1

### Çfarë do të thotë të besosh cdo gjë?

*“Shkoni, pra, dhe bëni dishepuj nga të gjitha kombet, duke i pagëzuar në emër të Atit dhe të Birit dhe të Frymës së Shenjtë, duke i mësuar të mbajnë të gjitha sa ju kam urdhëruar.”*

– Mateu 28:19–20

*“Dhe ato që dëgjove nga unë përpara shumë dëshmitarëve, besoja njerëzve besnikë, që do të jenë të aftë të mësojnë edhe të tjerë.”* – 2 Timoteut 2:2

Këtë javë, ne do të përqëndrohemi në besimin e Ungjillit. Nga katër javët e paraqitura në këtë udhëzues devocionar, besimi i Ungjillit është ndoshta koncepti më i ndryshëm. Për këtë qëllim, dy ditët e para do të na nevojiten që të krijojmë një pamje të përgjithshme.

Në të dyja vargjet e paraqitura më sipër, ne shohim një sfidë për të përcjellë të tjerëve atë që kemi mësuar. Jezusi u tha ndjekësve të Tij që të bënin dishepuj “duke i mësuar të mbajnë të gjitha sa ju kam urdhëruar”. Ata duhej të transmetonin atë që kishin mësuar. E njëjta gjë vlen edhe për Timoteun. Timoteut i kërkohet t’u tregojë të tjerëve atë që Pali kishte ndarë me të. Ekziston një e vërtetë e thjeshtë në këto dy pasazhe: Çfarëdo që transmetohet vazhdon të ndikojë tek të tjerët; çdo gjë që mbahet për veten tonë do të vdesë kur të vdesim ne.

Ne të gjithë jetojmë me idenë se kur të vdesim nuk do të marrim asgjë me vete. Ne erdhëm në këtë botë pa asgjë dhe do të lëmë botën ashtu siç kemi ardhur. Prandaj, çdo gjë që do të mbajmë për veten tonë (p.sh. idetë, njohuritë, inkurajimi, etj.) do të vdesë kur ne të vdesim. Nuk kane asnjë ndihmë në të ardhmen.

Mëndoni për gjithë të vërtetën që ju është mësuar në jetë dhe gjithë të vërtetën që Zoti ju ka mësuar. Çfarë ju ka mësuar Ai për Fjalën? Çfarë ju ka mësuar Ai për besimin? Çfarë ju ka mësuar Ai për marrëdhënien që duhet të keni me Të? Çfarë ju ka mësuar Ai për familjen? Çfarë ju ka mësuar Ai për lutjen? A ka kuptim që Zoti na zbulon një jetë plot me të vërteta dhe ne e çojmë të gjithë atë njohuri në varr?

Perëndia dëshiron që ne t’ua përcjellim të tjerëve atë që Ai na ka transmetuar ne. Hapi i parë i besimit është të dimë se Perëndia dëshiron që jeta jonë të jetë një rrugë transmetimi e të vërtetave dhe hirit të Tij.

**Shkruani emrat e disa personave që kanë investuar kohë në jetën tuaj. (Mendoni për pastorin tuaj, mësuesat e shkollave Biblike, drejtuesit e takimeve, mentorët ose miqtë e mirë.) Ku do të ishit shpirtërisht nëse këta njerëz nuk do t’iu kishin treguar rreth besimit në jetën tuaj?**

---

---

---

---

**A dini ndonjë rast në Shkrimin e Shenjtë ku një besimtar i pjekur i foli për besimin dhe të vërtetën një personi tjetër? Nëse po, rendisni disa shembuj.**

---

---

---

**Sugjerim për lutje:** Zoti Jezus, dua të të njoh y të dua që të të njohin edhe të tjerët. Kur shikoj prapa në jetën time, më kujtohet se sa shumë më ke mësuar. Më ndihmo të kuptoj se si mund t'ua transmetoj këto të vërteta të tjerëve. Në emër të Jezusit lutem, amen!

**Fragmente për Studim Shtesë:** Mateu 10:1–16; Veprat 1:8; 2 Korintasve 5:17–20

**Shënime:**



DITA 2

## T'i besosh Ungjillit

Fjala “Ungjill” do të thotë “lajm i mirë”. Kur Bibla flet për Ungjillin, i referohet lajmit të mirë të Perëndisë. Megjithatë, lajmi i mirë i Perëndisë është më shumë se sa një ftesë për shpëtim (ose për jetë të përjetshme); ky lajm gjithashtu përfshin se si duhet të jetojë një person pasi të jetë shpëtuar ose pajtuar me Perëndinë.

Kur Jezusi filloi shërbesën e Tij në tokë, në Bibël thuhet: “Jezusi shkante kudo nëpër gjithë Galilenë, duke mësuar në sinagogat e tyre, duke predikuar Ungjillin e Mbretërisë”. (Mateu 4:23, 9:35, 24:14; Marku 1:14). Fjala “Ungjill” përmendet për herë të parë në Dhiatën e Re në vargjet e mësipërme. I referohet në mënyrë specifike Ungjillit të Mbretërisë. Në fakt, Ungjilli i Mbretërisë është një term i zakonshëm në Dhiatën e Re (Mateu 9:35; 24:14; Luka 16:16). Lajmi i mirë i Perëndisë është i lidhur me lajmin e mirë për Mbretërinë.

Le të flasim për Mbretërinë për një moment. Mbretëria është një fushë e vullnetit të Perëndisë ku bëhet ajo që Ai dëshiron të bëhet. Ndërsa Perëndia është Krijuesi i gjithçkaje, Ai ka zgjedhur të vendosë Mbretërinë e Tij mes popullit të Tij. Aty ku shkon populli i Perëndisë, aty shkon dhe ndikimi i Tij Sovran. Ndërsa Perëndia jeton përmes popullit të Tij, ndikimi dhe Mbretëria e Tij zgjerohet.

Mbretëria është fokusi i edukimit dhe i mësimin të Jezusit.

- Jezusi predikoi Ungjillin e Mbretërisë (Mateu 4:23, 9:35, 24:14; Marku 1:14).
- Predikiminë Malështë referuarsi Kushtetutae Mbretërisë (Mateu 5–7).
- Jezusi ndau shtatë shëmbëlltyra tek Mateu 13. Fokusi i secilës ishte Mbretëria.

Pse është kaq i rëndësishëm gjithë ky “fjalim për Mbretërinë”? Përgjigjja: Sepse Ungjilli nuk përfshin vetëm pjesën e shpëtimit nga Jezusi. Ungjilli i mësuar nga Krishti dhe Gjon Pagëzori ishte “Pendohuni sepse mbretëria e qiejve është afër”. Ata ndanë Ungjillin e Mbretërisë. Lajmi i mirë është se Perëndia po ofron një marrëdhënie të pajtueshme dhe kjo marrëdhënie e re është jetuar në kontekstin e Mbretërisë së Perëndisë.

Kur besimtarët kuptojnë shtrirjen e Ungjillit, ndryshon gjithçka. Ndryshon fokusi ynë. Ndryshon lutja jonë ndaj të humburve, prioriteti ynë, mënyra se si ne ndërveprojmë me të tjerët, mënyra se si lutemi, mënyra se si ne e shohim botën, mënyra se si i shpenzojmë paratë tona. Ndryshojnë qëllimet që ne kemi dhe mënyra se si ne i ndjekim synimet tona. Mbretëria ofron kuptimin e jetës së Krishterë.

Të besosh Ungjillin do të thotë të besosh Ungjillin të Mbretërisë.

**Bëni një listë të rasteve ku Perëndia ju ka shfaqur të vërtetën në jetën tuaj (p.sh. martesë, studimi i Biblës, lutja, besimi, financat, fëmijët, etj.). A mund të besosh atë që Zoti ka ndarë me ty?**

---



---



---



---

**Sugjerim për lutje:** Zoti Jezus, dua të të njoh. Bazuar në Shkrimin e Shenjtë, kuptoj se Ti dëshiron që unë të mësoj më shumë për Mbretërinë. Unë lutem që të më hapësh sytë për të parë dhe kuptuar mesazhin e Ungjillit dhe të më ndihmosh t’ua ndaj të tjerëve atë që kam mësuar. Faleminderit që më do. Në emër të Jezusit lutem, amen!

**Fragmente për Studim Shtesë:** Isaia 9:1–7; Jeremia 31:31–34; Mateu 5–7; Galatasve 2:7; 1 Thesalonikasve 2:4

**Shënime:**



## DITA 3

# Rrënjët e marrëdhënies

Të ndash Ungjillin mund të duket një detyrë e madhe. Mendja jonë, zakonisht na çon në më shumë në shqetësim të asaj që do ndajmë sesa te mënyrës se si do e ndajmë. “Çfarë do të ndajmë” e përcaktonte dje! Ne duhet të ndajmë lajmin e mirë për Mbretërinë. “Si do ta ndajmë” do të përcaktohet sot! Ne duhet të ndajmë lajmin e mirë për Mbretërinë, nëpërmjet marrëdhënies që kemi me njeri-tjetrin.

Thuhet se gjithçka që ndodh bazohet tek marrëdhënia. Të ndash Ungjillin është një shembull i përsosur i kësaj të vertete. Teksa ka raste kur ne kemi mundësinë për të ndarë lajmin e mirë me një të panjohur, pamja e rregullt e besimit të Ungjillit përfshin marrëdhëniet dhe njohuritë tona. Këto marrëdhënie përbëhen nga miqtë, familja, bashkëpunëtorët, fqinjët dhe njerëzit me të cilët ndajmë rregullisht. Për shkak të marrëdhënies themelore, këto lidhje janë si një tokë pjellore për të ndarë Ungjillin.

Ka disa arsye që Ungjilli lulëzon në këto marrëdhënie.

**1. Së pari, mesazhi ka karakterin e marrëdhënies.** Tre marrëdhënie kyçe janë të përfshira me Ungjillin e Mbretërisë. Është marrëdhënia jonë me Perëndinë, marrëdhënia jonë me Kishën dhe marrëdhënia jonë me botën.

**2. Së dyti, për të ndarë mesazhin nevojitet kohë.** Ndërsa disa tema mund të diskutohen lehtësisht duke skicuar idetë mbi një cope letër, Mbretëria nuk është një nga këto tema. Shpërndarja e Ungjillit të Mbretërisë kërkon kohë. Nëse marrëdhëniet janë të mirë përcaktuara, ofrohen mundësi të shumta për të vazhduar diskutimin për një kohë të gjatë.

**3. Së treti, rezultati i mesazhit është një jetë e transformuar.** Është shumë e thjeshtë që t’i tregosh një të huaji se si Zoti të ndryshoi jetën. Por kjo gjë nuk kuptohet dhe aq lehtë nga ne, ashtu siç e kuptojnë njerëzit që janë pjesë e bashkësisë ku jetojmë, të cilët e kanë parë transformimin e vazhdueshëm të jetës sonë. Ky ndryshim i jetës ofron një mundësi më të madhe për ndarjen e mesazhit.

Ndërsa lexojmë Dhiatën e Re, ne shohim që Ungjilli i Mbretërisë shpërndahet nëpërmjet marrëdhënies. Perëndia dëshiron të njëjtin model në jetën tonë. Shikoni vargjet e mëposhtme dhe plotësoni vendet bosh siç duhet.

### Marku 3:13–19

Kush e shpërndau Ungjillin? \_\_\_\_\_

Kush e pranoi Ungjillin? \_\_\_\_\_

### Marku 5:1–20

(Përqendrohuni tek personi i pushtuar nga demonët; vargjet 18–20.)

Kush e shpërndau Ungjillin? \_\_\_\_\_

Kush e pranoi Ungjillin? \_\_\_\_\_

### Gjoni 1:40–42

Kush e shpërndau Ungjillin? \_\_\_\_\_

Kush e pranoi Ungjillin? \_\_\_\_\_

## Gjoni 4:7-42

(Përqendrohuni në përgjigjen e gruas ndaj Krishtit;  
v.28-30; 39-43.)

Kush e shpërndau Ungjillin? \_\_\_\_\_

Kush e pranoi Ungjillin? \_\_\_\_\_

## 2 Timoteu 2:2

Kush e shpërndau Ungjillin? \_\_\_\_\_

Kush e pranoi Ungjillin? \_\_\_\_\_

**Sugjerim për lutje:** Zoti Jezus, dua të të njoh. Më ndihmo të shoh marrëdhëniet që ndodhen rreth meje dhe më ndihmo të jetoj në atë mënyrë që Ungjilli të dalë gjithmonë para. Në emër të Jezusit lutem, amen!

**Fragmente për Studim Shtesë:** Luka 5:27-32; Veprat 10;  
Veprat 16:22-33

## Shënime:



DITA 4

## Një mënyrë e thjeshtë për të ndarë Ungjillin

*“Edhe unë, o vëllezër, kur erdha te ju, nuk erdha me shkëlqim fjaleësh a urtësie, që t’ju shpall dëshminë e Perëndisë, sepse e vendosa që të mos di tjetër gjë ndër ju, veç Jezu Krishtit dhe Atë të kryqëzuar. Edhe unë erdha tek ju me dobësi, me frikë dhe drithërimë të madhe. Dhe fjala ime dhe predikimi im nuk u bënë me fjalë mbushamendëse nga urtësia njerëzore, por me dëftim të Frymës dhe të fuqisë, që besimi juaj të mos qëndrojë në urtësinë e njerëzve, por në fuqinë e Perëndisë.” – 1 Korintasve 2:1-5*

Kemi tre pjesë kryesore:

- 1. Misioni është të shpërndajmë Ungjillin.** Ndërsa Ungjilli u ndahet të tjerëve, shumë besimtarë bëhen dishepuj dhe porosia e Madhe realizohet.
- 2. Mesazhi është të ndajmë të gjithë Ungjillin e Mbretërisë.** Nëse nga Ungjilli ndajmë vetëm pjesën e shpëtimit, ne marrim vendime për Krishtin dhe jo për dishepuj të Krishtit. Ungjilli është lajmi i mirë për të gjithë Mbretërinë.
- 3. Qëllimi i misionit ka të bëjë me marrëdhënien.** Teksa ne ju shpërndajmë Ungjillin të huajve, modeli kryesor i përkrahur në Dhiatën e Re është të punojmë nëpërmjet marrëdhënieve që kemi.

Nëse jeni si unë, pyetja tjetër që ju vjen në mendje është: “Si të fillojmë?” Bota është e madhe, mesazhi është shumë i zgjeruar dhe koha është e shkurtër. Si ta shpërndajmë praktikisht informacionin që kemi? Përgjigja është aq e thjeshtë sa të ndjekësh shembullin e Apostullit Pal. Kur Pali u foli njerëzve të Korintit, ai e përqendroi mësimin e tij tek “Krishti dhe Atë të kryqëzuar”. Në disa mënyra, mund të duket sikur Pali la shumë gjëra jashtë Mbretërisë. Po besimi? Po dashuria? Po dhuratat shpirtërore? Po misionet dhe shërbesa? Po lutja dhe lavdërimi? Si mund të ishte Pali kaq mendjengushtë sa të ndante vetëm një mesazh?

Përgjigja për këtë pyetje gjendet tek marrëdhënia midis Krishtit dhe Mbretërisë së Tij. Kur ne përqendrohemi në ndjekjen e Krishtit dhe njohjen e Krishtit, Ai do të na udhëheqë në fushat e besimit, shpresës, dashurisë, misionit, shërbesës, lutjes, lavdërimit, etj. Ne nuk duhet të bëhemi ekspertë në çdo fushë të jetës së Krishterë në mënyrë që të ndajmë Ungjillin. Në fakt, nëse nuk jemi të kujdesshëm, mund të bëhemi të aftë intelektualisht dhe të paaftë shpirtërisht. Të jeni të sigurt! Të veçanta e Mbretërisë do t’u bëhen të njohura ndërsa ndiqni Mbretin. Pse? Sepse Mbretëria mbart zemrën e Mbretit!

Çfarë do të thotë kjo për ju dhe për mua? Do të thotë se detyra jonë është të ndjekim Krishtin dhe të ndajmë atë që mësojmë. Nëse po ecni në një periudhë besimi dhe durimi, mësojuni të tjerëve atë që Ai po ju mëson. Nëse jeni duke ndjekur Krishtin dhe po mësoni për kujdestarinë, ia ndani ato mësimet atyre që ju rrethojnë. Nëse Perëndia po ju mëson disa parime të lutjes, ndajini ato parime me miqtë dhe anëtarët e familjes. Perëndia nuk po na kërkon të marrim një diplomë të Krishterë përpara se të ndajmë Ungjillin; Ai dëshiron që ne ta ndjekim Atë dhe ndërsa shkojmë, ndajmë atë që kemi mësuar me të tjerët.

**Lexoni 1 Korintasve 2:1–5 dhe shkruani tre ose katër fjalë që përshkruajnë gjendjen shpirtërore të Palit. A duket Pali një udhëheqës i patrembur? A mund të bëni dhe ju atë që bëri Pali?**

---

---

---

---

**Sugjerim për lutje:** Zoti Jezus, dua të të njoh. Ndërsa të njoh, më jep kurajon të ndaj me të tjerët atë që kam mësuar. Në emër të Jezusit lutem, amen!

**Fragmente për Studim Shtesë:** 1 Korintasve 1:17–31; Gjoni 17:3; Gjoni 15:1–8

**Shënime:**



## DITA 5

### **Përparimi më i madh i Ungjillit**

*“Por dua, o vëllezër, ta dini se gjërat që më kanë ndodhur ndihmuan më shumë për përparimin e ungjillit.” – Filipianëve 1:12*

Unë nuk i pëlqoja shumë të dielat missionare kur isha fëmijë. E di që tingëllon e tmerrshme, por po përpiqem të jem i sinqertë. Nuk i urreja sepse nuk më pëlqenin missionarët ose shërbesat që ata përfaqësonin; por sepse gjithmonë ndjeja se Zoti po më thërriste të bëja diçka të ngjashme.

Nuk kishte rëndësi nëse misionari po shërbente në Afrikë, Indi, Amerikën e Jugut apo Antarktidë, ata gjithmonë flisnin për gjërat që duruan për hir të Ungjillit. Një person fliste se si të jetojë me oriz dhe ujë për muaj të tërë. Një person tjetër tregonte se si luftoi sëmundjet e rralla dhe forcat e magjisë. Një misionar tjetër do të tregonte se si i shërbyen të njëjtit grup njerëzish për vite me radhë dhe panë shumë pak fryte për punën e tyre. Në mendjen time, historitë kishin një ngjashmëri, vuajtjen!

Unë nuk kam vuajtur shumë. Në fakt, përpiqem ta shmang nëse është e mundur. Por ka raste kur zhvillimi i Ungjillit përforcohet përmes situatave të vështira. Nëse duam të marrim seriozisht shpërndarjen e Ungjillit, duhet t’i përgjigjemi një pyetjeje: “Sa jam i gatshëm të duroj për zhvillimin e Ungjillit?”

Përgjigja për këtë pyetje do të jetë e ndryshme për të gjithë. Jezusi duroi kryqin (Hebrenjve 12:1–3). Pali duroi burgun, rrahjet dhe vdekjen (2 Korintasve 11:23–28). Këta janë dy shembuj ekstremë. Shanset janë që shumica e të krishterëve në Amerikë nuk do ta durojnë kurrë atë lloj vuajtjeje. Por nuk është e pazakonëtë të durosh ndarjen e familjes, humbjen e të ardhurave, depresionin, problemet nga më të ndryshmet, sulmet e armikut dhe shumë shqetësime të tjera të vogla.

Qëllimi është i thjeshtë! Përparimi i Ungjillit do të takohet me kundërshtimin e Satanit. Në situatën e Palit, rrethanat e tij (burgu, gjykimet, rrahjet, etj.) “u kthyen për një përparim më të madh të Ungjillit”. Nëse Pali nuk do t’i duronte sprovat, Ungjilli nuk do të kishte shkuar aq larg sa shkoi.

Edhe nëse ju dhe unë nuk thirremi kurrë të durojmë vuajtje në atë shkallë, sprovat më të vogla të jetës sonë do të ofrojnë mundësi për përparimin e Ungjillit. Mënyra se si ne do të përballemi me problemet shpesh do të përcaktojë shkallën në të cilën do të përhapet Ungjilli. Mbani mend, në çdo situatë me të cilën përballeni, bota ju shikon. Perëndia ju ka vendosur në një vend ideal që Ai të marrë lavdi!

**Kur njerëzit shohin mënyrën se si i përballoni presionet dhe sprovat e jetës, a e ndihmon apo e dëmton kjo gjë ndikimin e Perëndisë? Si mundet përgjigja juaj t’i nderojë Krishtin dhe t’i çojë të tjerët tek Ai?**

---

---

---

---

**Përmendni një person në jetën tuaj që ka kaluar periudha të vështira, por ka pasur guxim dhe besim të fortë në Krishtin. Si ndikon shembulli i tij ose i saj në jetën tuaj?**

---

---

---

---

**Sugjerim për lutje:** Zoti Jezus, dua të të njoh. Unë e kuptoj se Ti do të lejosh që sprovat dhe problemet të vijnë në rrugën time për të përhapur më shumë Ungjillin. Më ndihmo të jetoj në atë mënyrë që njerëzit të të besojnë Ty duke parë shembullin tim. Në emër të Jezusit lutem, amen!

**Fragmente për Studim Shtesë:** Veprat 8:1–4; Veprat 4:1–31; Luka 21:12–19

**Shënime:**



DITA 6

## **Çfarë do të bëni në vijim të jetës?**

*“Por këtë e bëj për shkak të ungjillit, që të bëhem pjesëtar i tij.”  
– 1 Korintasve 9:23*

“Ka një sekret në çdo varrezë”, i shpjegoi një baba djalit të tij. I intriguar nga natyra misterioze e kësaj fjalie, djali dëgjoji me vëmendje. “Sekreti në varreza qëndron tek linja e jetës në çdo gur varri.” Të dy ecën së bashku edhe disa hapa. “Midis datës së lindjes dhe datës së vdekjes qëndron linja e jetës. Jeta është në thelb e njëjtë për të gjithë. Ne lindim, jetojmë dhe vdesim. Dallimi midis një personi që ka jetuar dhe një individi që ka lënë një trashëgimi është ajo që ata bëjnë gjatë jetës së tyre.”

Çfarë do të bëni ju me jetën tuaj? Pali tha: “Unë i bëj të gjitha për hir të ungjillit”. Kur Pali shikoi pas në jetën e tij, ai pati ulje-ngritje, sprova dhe triumfe, dhimbje dhe përkrahje. Por ka diçka që i mungon kujtimeve të Palit: pendimi! “Luftën e mirë e luftova, e përfundova vrapimin, e ruajta besimin” (2 Timoteut 4:7).

Nuk ka dyshim që jeta e Palit edhe pse pa pendim ishte e lidhur me “të gjitha gjërat për hir të ungjillit”. Pali e përdori jetën e tij në potencialin e plotë. Ka vetëm dy njerëz në të gjithë Biblën që ishin në gjendje të thoshin: “Unë kam bërë gjithçka që Perëndia më vuri në këtë tokë për të bërë”. I pari ishte Jezusi; i dyti ishte Pali

(Gjoni 19:30; Hebrejve 10:11–12; 2 Timoteut 4:7). Si do të përfundojë historia juaj?

Ne e dimë se Krishti i'u tha pasuesve të Tij që të bënin dishepuj të kombeve (Mateu 28:19). Në një kuptim të përgjithshëm, ne të gjithë kemi të njëjtin qëllim. Pavarësisht nga pozita jonë në jetë, ne duhet t'ua shpërndajmë Ungjillin të tjerëve. Krishti dha jetën e Tij që ne të kemi Ungjillin. Pali kushtoi jetën e tij për hir të Ungjillit. Çfarë do të bëjmë ne me jetën që na ka dhënë Zoti?

Më jep, o Atë, një qëllim më të thell',  
Në gëzim ose pikëllim fjalën tënde të përcjell;  
Besnik dhe i vërtetë të qëndroj,  
Çdo ditë të të adhuroj;  
Kam vetëm një jetë dhe ajo shpejt' do të kalojë,  
Por çdo ditë e saj në Krishtin do të vazhdojë.

Si ndjekës të Krishtit, ne kemi privilegjin më të madh në Botë që t'ia kushtojmë jetën Atij. Ne mund ta njohim Perëndinë dhe të ndihmojmë të tjerët ta njohin Atë gjithashtu. Bibla na shpjegon shumë qartë si të njohim Perëndinë dhe si të bëjmë dishepuj. Duaje Zotin! Bashkohuni me besimtarët! Shërbejeni botës! Shpërndani Ungjillin!

**Me një fjalë, përshkruani se çfarë dëshironi të jetë trashëgimia juaj:**

---

---

---

---

**Si mund ta bëni shpërndarjen e Ungjillit një pjesë më të madhe të jetës suaj?**

---

---

---

---

**Sugjerim për lutje:** Zoti Jezus, dua të të njoh. Unë lutem që të jetosh përmes meje, në mënyrë që unë të mund të përmbush gjithçka për të cilën më vendosët në këtë tokë. Unë dua që trashëgimia ime të ndikojë nga Ty dhe të ndihmojë të tjerët që të hyjnë dhe të rriten në marrëdhënien e tyre me Ty. Në emër të Jezusit lutem, amen!

**Fragmente për Studim Shtesë:** Marku 1:32–39; 1 Korintasve 9:13–27

**Shënime:**

THIS IS THE  
GOSPEL

[ThisIsTheGospel.com](http://ThisIsTheGospel.com)

